



REPUBLIKA E SHQIPERISË
MINISTRIA E TURIZMIT DHE MJEDISIT
AGJENCIA KOMBËTARE E MJEDISIT
DREJTORIA E VLERËSIMIT TË IMPAKTIT DHE LIÇENSIMIT

AN140620210006

Tiranë, më: 07.07.2021

Komisioni 32

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM Nr. 686, datë 29.7.2015 “Për miratimin e rregullave, të përgjegjësi e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore” dhe me propozim të Agjencisë Kombëtare të Mjedisit, Ministri

VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

Personi Juridik: “KRONOS KONSTRUKSION” Sh.p.k.
Nr. NIPT-i: K41416033P
Adresa e selisë: Bulevardi “Gjergj Fishta”, Pranë Ish Ekspozitës Shqiperia Sot, Tiranë.
Personi përgjegjës Vasil Jovani

Për të zhvilluar projektin **“Shfrytëzimi i mineralit gur gëlqeror me karrierë sipërfaqësore.”**

Aplikimi është bërë referuar ligjit Nr. 10 440, date: 7.7.2011 “Për Vlerësimin e Ndikimit në Mjedis”, Shtojca I, “Projektet që i nënshtrohen Procedurës së Thelluar të Vlerësimit të Ndikimit në Mjedis”, Pika 19. Gurore dhe miniera sipërfaqësore, ku sipërfaqja e vendit është mbi 0,5 hektarë, ose vende për nxjerrjen e torfës, ku sipërfaqja e vendit është mbi 1 hektar.

Vendndodhja: Zona Kadastrale: 3201, për zonën minerare nr. 122/9, në objektin Mali i Pashkashshit, Bërzhitë, Tiranë.

Të dhëna teknike:
Sipërfaqe: 0.034 km²

(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit)

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

Drejtoritë Teknike të Ministrisë shprehën: - Cilësia e ajrit në zonën e projektit pritet të ndikohet nga shkarkimet e gazeve të mjeteve motorike, transporti i mineralit, hapja dhe përdorimi i rrugëve, përdorimi i lëndëve plasëse.

Në deklaratën mjedisore, sugjerojmë të përfshihen:

- Plani i masave të propozuara për uljen e emetimeve të mundshme në ajër, duke përfshirë:
- Kontrollin e kushteve teknike në mënyrë periodike të makinerive të shfrytëzimit dhe transportit për të evituar, parandaluar rrjedhjet e lubrifikantëve dhe hidrokarbureve në mjedis, emetimin e ndotësve të gaztë të shkaktuara nga avari teknike të mjeteve;
- Lënda djegëse që do të përdoret nga makineritë e punës, të jetë në përputhje me kërkesat e legjislacionit specifik për cilësinë e lëndëve djegëse;
- Monitorimin e vazhdueshëm të cilësisë së ajrit gjatë fazës së punimeve dhe shfrytëzimit, me qëllim mbajtjen e shkarkimeve në ajër brenda normave të lejuara dhe brenda zonës së projektit;
- Spërkatjen e rregullt me ujë të sipërfaqes së shfrytëzimit dhe të rrugëve të transportit, për mbajtjen nën kontroll të pluhurformimit dhe ngritjes së tij gjatë transportit të mineralit;
- Vendosjen e filtrave dhe kolektorëve të pluhurit në pajisjet e gërmimit;
- Përdorimin e automjeteve të mbuluara (të mbyllura ose të mbuluara me mbulesë të posaçme) për transportin e mineralit.
- Për sigurinë e punëtorëve, të përdoren maska pluhuri veçanërisht në vendet e ekspozuara nga emetimet e përkohshme të pluhurit gjatë punës.
- Të izolohet sipërfaqja e shfrytëzimit nga sipërfaqet e tjera të paprekura dhe përreth saj të mbillet bimësi vendase.
- Referuar pikës 3.2 Guroret dhe impiantet e përpunimit të tyre, Transportimi i gurëve, Proçesi dhe funksionimi
- Gurët natyrorë dhe artificialë (burime mesatare ndotje), të VKM nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”: Të gjitha vendet dhe proceset në të cilët ndotësit e ngurtë emetohen në ajër duhet të pajisen sipas mundësive teknike dhe mbi bazën e natyrës së proçesit, me rrjeta uji ose spërkatje, heqje pluhurash ose sisteme spërkateje.
- Të zbatohen të gjitha masat e planifikuara në këtë raport për rehabilitimin e mjedisit të prekur nga zhvillimi i këtij aktiviteti, në mënyrë kthimin sa më afër gjendjes fillestare.
- Rekomandojmë të menaxhohen sipas kuadrit ligjor në fuqi në fushën e mbetjeve si më poshtë vijon:
- Ligji nr. 10 463, datë 22.9.2011 “Për menaxhimin e integruar të mbetjeve”, të ndryshuar;
- Të respektohen kërkesat e Vendimit të Këshillit të Ministrave nr. 418, date 25.06.2014 “Për grumbullimin e diferencuar të mbetjeve në burim”;
- Mbetjet që do të krijohen të specifikohen sipas kodeve të Vendimit të Këshillit të Ministrave nr. 99, date 18.02.2005 “Për miratimin e katalogut shqiptar të klasifikimit të mbetjeve” të ndryshuar;
- Transferimi i mbetjeve jo të rrezikshme të shoqërohet me plotësimin e shtojcës 1 të Vendimit të Këshillit të Ministrave nr. 229, datë 23.04.2014 “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar;

- Mbetjet e rrezikshme, të dorëzohen sipas Vendimit të Këshillit të Ministrave nr. 371, datë 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar;
- Subjekti që do të transportojë ose do të transferojë mbetjet të jetë i pajisur me liçensë III.2.B , si detyrim i nenit 57, të ligjit nr. 10463, date 22.09.2011 “Për menaxhimin e integruar të mbetjeve “ i ndryshuar;
- Gjatë fazës ndërtimore mbetjet inerte të gjeneruara të trajtohen sipas kërkesave të Vendimit të Këshillit të Ministrave nr. 575, datë 24. 06. 2015 “Për miratimin e kërkesave për menaxhimin e mbetjeve inerte”.
- Sugjerimet të respektohen kriteret e legjislacionit si më poshtë vijon:
- Ligj nr 68-2014, datë 03.07.2014 “Për disa shtesa dhe ndryshime në Ligjin nr 9587, datë 20.7.2006 “Për mbrojtjen e biodiversitetit”, të ndryshuar;
- Ligji nr 81, datë 04.05.2017 “Për Zonat e Mbrojtura”;
- Ligji nr.10 006, datë 23.10.2008 “Për mbrojtjen e faunës së egër”;
- Objekti ndodhet pranë monument të natyrës, Shpellës së Pëllumbasit miratuar me vendim nr.303, datë 10.5.2019 “Për miratimin e listës së rishikuar, të përditësuar, të monumenteve të natyrës shqiptare”.
- Gjithashtu theksojmë se rruga e vetme dhe egzistuese e cila të con në destinacionin turistik, pranë monumentit të natyrës së Shpellës së Pëllumbasit është e dëmtuar plotësisht nga makineritë e rënda të kësaj guroreje, edhe shtëpitë e banimit si dhe bimësia që ndodhet të cilat janë shumë afër me objektin dhe përgjatë rrugës janë të prekura nga ndotja që shkakton ky aktivitet.
- Shfrytëzimi i gurit gëlqeror ka ndikim të konsiderueshëm në ndryshimet klimatike, kryesisht nëpërmjet emetimeve të gazeve të dëmshme si dioksidi i karbonit. Një ndikim tjetër jo i drejtpërdrejtë në këtë kuadër është dhe dëmtimi vegjetacionit, që janë dhe dopozituesit kryesorë të CO2 në planet. Këto ndikime nuk janë të reflektuara në raport dhe citohet që aktiviteti nuk do të ketë asnjë ndikim në ndryshimet klimatike. Në raport, citohet që gazet që do të emetohen në ajër CO2, NOx dhe SO2. Këto gaze kanë ndikime të konsiderueshme në ndryshimet klimatike
- Sugjerimet të respektohet Udhëzimi Nr. 1937, datë 21.10.2014, “Mbi përcaktimin e detyrimit të subjekteve për të zëvendësuar sipërfaqet pyjore dhe përmirësuar sipërfaqet kullosore qe hiqen nga fondi pyjor dhe kullosor, nëpërmjet pyllëzimit, ripyllëzimit dhe përmirësimit të tyre”.
- Të ndiqen detyrimet që përcaktojnë për rehabilitimin e sipërfaqes, që rrjedhin nga nenet 9 dhe 12 të ligjit 10431, Datë 9.06.2011 “Për mbrojtjen e Mjedisit”, i ndryshuar.
- Rritja e pezullive në ujëra nga gërmimet e dherave dhe rreziku i mundshëm i ndotjes nga lëndë djegëse si nafta, mbetjet e ngurta, etj., nuk trajtohet sa duhet. Ndikimet kumulative të projektit në mjedis, së bashku me zhvillimet e tjera ekzistuese ose të planifikuara të zones, nuk janë përshkruar. Së fundmi, ritheksojmë se projekti i propozuar pritet të ketë ndikim të lartë në tjetërsimin e vlerave të peizazhit.
- Për sa i përket parandalimit dhe zvogëlimit të pasojave në mjedis dhe rehabilitimit të mëvonshëm të tij, sugjerimet:
- Shpërthimet të kryhen në orare të përshtatshme;
- Kur është e mundur, nivelet e zhurmës gjatë orëve të agimit, muzgut dhe natës duhet të minimizohen për të zvogëluar shqetësimin, veçanërisht për gjitarët dhe shpendët;
- Të merren masa për të parandaluar dëmtimin e vegjetacionit në kufij të karrierës dhe rrëshqitjeve të mundshme që mund të ndikojnë sipërfaqet përtej zonës së planifikuar për shfrytëzim. Me rëndësi të veçantë është rehabilitimi i peizazhit në të gjithë gjurmën e projektit;
- Të vendosen shenja paralajmëruese rrugore si dhe të përgatiten udhëzime për drejtuesit e automjeteve, me qëllim uljen e numrit të vrasjeve aksidentale të kafshëve;

- Për mbjellje të përdoren lloje vendase, të përshtatura me kushtet e substratit dhe të klimës në zonë si: Gështenjë e egër (*Aesculus hippocastanum*), Dafinë (*Laurus nobilis*), Butinë (*Viburnum tinus*), Boshtër (*Forsythia europaea*), Leandër (*Nerium oleander*), Ilqe (*Quercus ilex*), Rrënjë (*Quercus robur*), Vidh (*Ulmus glabra*, *U. Minor*), Dëllinjë (*Juniperus sp.*), Shqopë (*Erica arborea*, *E. multiflora*), Lofatë (*Cercis siliquastrum*), Panjë (*Acer hyrcanum*, *A. pseudoplatanus*, *A. monspessulanum*), Fshikarthë (*Colutea arborescens*), Bli (*Tilia sp.*), etj. Drurëve dhe/ose shkurreve të përdorura për rehabilitimin e mjedisit të dëmtuar duhet t'u sigurohet substrati i duhur i tokës dhe kushtet e mjaftueshme për të mbijetuar.
- Zhvillimi i projektit pritet të sjellë reduktimin e florës ekzistuese në shpatet përreth karrierës. Ndikimi real do të bjerë mbi dheun dhe shkëmbin sipërfaqësor, do të ketë dëmtim radikal të florës dhe të vegjetacionit duke e larguar plotësisht atë nga territori që do të shfrytëzohet.
- Subjekti duhet të kishte kryer paraprakisht llogaritjen e sasive dhe llojeve të pemëve/ bimëve të cilat synohen të priten me qëllim ngritjen e infrastrukturës së nevojshme.
- Gjithashtu duhet të ishin specifikuar llojet dhe sasia e llojeve bimore drunore, shkurre dhe barishtore që parashikohen të mbillen në zonë, gjatë fazës së rehabilitimit mjedisor.
- Duhet të ishin përcaktuar masat që do të ndërmerren në kuadër të erozionit dhe tipet e mbjelljeve që do të kryhen për të minimizuar efektin e këtij ndikimi negativ në tokë.
- Subjekti duhet të kishte paraqitur informacion të plotë në lidhje me dëmtimin e sipërfaqeve pyjore nga dëmtuesit, sëmundjet dhe insektet, dëmtimin nga kullotja e bagëtive, dëmtimin nga stuhitë, era dhe bora, dëmtimin nga veprimtaritë njerëzore etj, në zonën e propozuar për zhvillim.
- Të zbatohen me rigorozitet masat e parashtruara në raportin e VNM-së dhe të kryhen punimet sipas përcaktimeve në të. Gjatë fazës së zhvillimit të punimeve të mënjanohej dëmtimi i individëve bimore që nuk e pengojnë shfrytëzimin. Pastrimi i bimësisë të jetë i kufizuar brenda kufijve të zonave të gjurmëve të projektit, aty ku është absolutisht e nevojshme. Përpara procesit të pastrimit nga bimët, çdo lloj specie e rrallë ose e rrezikuar, duhet të largohet nga zona e ndërtimit. Cdo lloj zhvendosje e specieve në rrezik duhet të diskutohet me autoritetet mjedisore.
- Zona e propozuar për shfrytëzim të rehabilitohet dhe të merren masa për gjelbërimin e saj me bimësi vendase, në përputhje me kërkesat estetike, ekologjike e mjedisore të zonës.
- Sistemimi dhe krehja e skarpateve përfundimtare të shkallëve të shfrytëzimit, të bëhet në mënyrë të vazhdueshme, me qëllim parandalimin e erozionit të shpateve. Sipërfaqet horizontale të shkallëve të sistemohen duke krijuar kushte të përshtatshme për mbjelljen dhe kultivimin e bimësisë barishtore, e cila luan rol pozitiv në uljen e fenomenit të erozionit.
- Të mbillet me filiza bimore vendas e gjithë periferia e territorit të përdorur për shfrytëzim të gurit qëllqeror. Brezi periferik i bimësisë do të ndikojë pozitivisht në cilësinë e ajrit, në uljen e nivelit të zhurmave dhe për më tepër do të rrisë mundësinë për vetëgjenerim të drurëve në pjesën tjetër të kodrës.
- Pemët e prera të zëvendësohen me të reja të të njëjtit lloj. Të shmanget krijimi i një korridori bimesh të ndryshme nga bimësia vendase. Përpara se bimët të mbillen të studiohet morfologjia dhe kushte të tjera të zonës në mënyrë që të sigurohet një restaurim dhe mbjellje e efektshme.
- Speciet duhet të jenë vendase, në mënyrë që të shmanget zhvendosja e tyre dhe ndryshimi i përbërjes së specieve bimore.
- Të merren masat e nevojshme për të parandaluar përdorimin e lëndës drusore për ndërtim dhe ngrohje nga stafi i karrierës.
- Të merren masa kundër zjarreve dhe aksidenteve të papritura gjatë fazës së instalimit dhe funksionimit, që mund të dëmtojnë sipërfaqet pyjore dhe kullosore.
- Me qëllim mbrojtjen e fondit pyjor e kullosor, të kryhet në mënyrë të vazhdueshme monitorimi i ndërtimit dhe funksionimit të karrierës nga struktura për administrimin dhe menaxhimin e fondit pyjor e kullosor, të bashkisë dhe organet e kontrollit për pyjet e kullotat në qark.

- Duke patur parasysh se ndikimi në ajër i ndotjes akustike për këtë lloj aktiviteti do të jetë i përhershëm, sugjerojmë të zbatohet legjislacioni specifik në lidhje me zhurmat dhe me nivelet kufi të zhurmave.

Agjencia Kombëtare e Zonave të Mbrojtura shprehet:

Subjekti “Kronos Konstruksion”, kërkon të zhvillojë aktivitetin “Shfrytëzim i mineralit gurë gëlqeror”, në zonën minerare 122/9, në objektin “Mali i Pashkasheshit”, njësi administrative Bërzhitë, bashkia Tiranë.

Pas shqyrtimit të raportit teknik dhe koordinatave të gjeoreferuara, rezulton se sipërfaqja (zona) ku kërkon të zhvillohet aktiviteti “Shfrytëzim i mineralit gurë gëlqeror, në zonën minerare 122/9, në objektin “Mali i Pashkasheshit, ndodhet në kufi me monumentin natyror (MN) “Gryka e Murdharit”.

Koordinatat e pikave 3 dhe 4 të lejes minerale ndodhen në kufi me MN “Gryka e Murdharit”, ndaj subjekti për zhvillimin e aktivitetit në këtë zonë, duhet të spostojë minimalisht pikat 3 dhe 4 në koordinatat (KRGJSH) të tabelës më poshtë:

Pika	X	Y
1	498554,4	4566760,8
2	498299,5	4566751,2

Administrata e Zonave të Mbrojtura, Tiranë të monitorojë vazhdimisht gjendjen e monumentit natyror për të evituar dëmtimin e tij dhe ndaj subjektit gjatë zhvillimit të aktivitetit kërkohet:

- nuk duhet të depozitojë inerte në kufi me monumentin natyror dhe nuk duhet të hedhë poshtë asnjë mbeturinë,
- nuk duhet të presë apo dëmtojë bimësinë pyjore të zonës dhe të krijojë një brez të gjelbërt në kufijtë e shfrytëzimit për mbrojtjen e pjesës së skarpatës ku shtrihet Monumenti,
- duhet të marrë masa për të evituar rënie të zjarreve dhe ndotjen e zonës nga pluhurat duke përdorur metode me lagje për punimet në zonë,
- të kryejë punime rehabilituese në sipërfaqen që aksidentohet dhe që ndodhet në kufi me monumentin natyror.

Agjencia Rajonale e Mjedisit Tiranë, Durrës, Dibër jep mendimin e saj pozitiv në lidhje me praktikën.

2. Informacion për procesin e realizuar të konsultimit me publikun:

Konsultimi me publikun: U krye në datën 09.06.2021. Morën pjesë përfaqësues nga komuniteti i zonës, dhe nga Agjencia Rajonale e Mjedisit dhe përfaqësues nga studio mjedisore. Nuk pati ndonjë shqetësim nga komuniteti për zhvillimin e këtij aktiviteti. Në takim është prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu sigurova të pranishmeve që do të merren të gjitha masat për eliminimin e ndikimeve negative në mjedis, duke mos cënuar jetën e banorëve.

3. Arsyet dhe konsideratat kryesore, ku është mbështetur mendimi;

Zhvillimi i aktivitetit është në përputhje me:

- Njoftim Fituesi nga MIE Nr.4791/2 prot, datë 10.08.2020, Zona Minerare Nr.122/9, për objektin Mali i Pashkasheshit, Qarku Tiranë, lloji i mineralit gur gëlqeror veprimtaria shfrytëzim, Ish Leja Minerare nr.1184.
- Mendimin e Agjencisë Kombëtare të Zonave të Mbrojtura.

4. **Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:**
- 4.1 **Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT/Bashkia/Njësi Administrative) dhe akteve ligjore dhe nënligjore në fuqi.**
- 4.2 Në rast se gjatë punimeve shfaqen elemente të tillë si: objekte kulti, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.
- 4.3 Aktiviteti të kryhet brenda sipërfaqjes së zonës minerare të miratuar si dhe në bazë të vlefshmërisë së Lejes së Shfrytëzimit.
- 4.4 **Kjo Deklaratë është e vlefshme pasi subjekti të bëjë heqjen nga Fondi Pyjor, në rast se aktiviteti bie në një të tillë.** Te kete ne vemendje te veacnte referencat kadastrale qe preken nga ushtrimi i aktivitetit.

Gjatë fazës së instalimit:

- 4.5 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.
- 4.6 Të instalohet sistemi i eliminimit dhe kapjes së pluhurave, nëpërmjet sprucimit me ujë. (Ky sistem, të detajohet qartë me skica, planimetri etj në aplikimin për Leje Mjedisore)
- 4.7 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.
- 4.8 Të respektohet distanca nga rruga, gjatë fazës së instalimit dhe kryerjes së punimeve, sipas legjislacionit në fuqi.
- 4.9 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.10 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.11 Të sistemohen brenda sipërfaqes së shfrytëzimi të gjitha sterilet e gjeneruara nga shfrytëzimi i karrierës.
- 4.12 Në raste aksidentesh ose defektesh teknologjike që shkaktajnë ndotje të mjedisit, subjekti menjëherë duhet të jap informacion në DRM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.13 **Subjekti të hartojë dhe zbatojë një plan masash lidhur me masat e parandalimit dhe shuarjen e zjarreve në rast aksidentesh nga plasjet për nxjerrjen e materialit.**
- 4.14 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.15 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimit e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”.
- 4.16 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.17 Të bëhet pastrimi i mjeteve të punës para daljes nga kantieri i ndërtimit për të mos shkaktuar ndotje në mjedis.
- 4.18 Të merren masa për mbrojtjen e biodiversitetit të zonës.

- 4.19** Të kihet kujdes treguesit kadastralë të sipërfaqes pyjore/kullosore që do të përdoret për aktivitetin, të jenë vetëm brënda sipërfaqes së miratuar.
- 4.20** Personi përgjegjës teknik për zhvillimin e aktivitetit duhet të jetë i informuar për bazën ligjore të pyjeve/mjedisit në fuqi dhe për zbatimin e tyre.
- 4.21** Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.22** Subjekti të respektojë dhe të mbajë parasysh kërkesat dhe kriteret e Ligjit Nr. 81/2017 “Për Zonat e Mbrojtura”.
- 4.23** Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 “Për Mbrojtjen e Mjedisit”.
- 4.24** Në përfundim të punimeve, të rehabilitohet zona e shfrytëzuar.
- 4.25** Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit Ligj nr. 52/2020, datë 30.4.2020 “Për disa ndryshime në ligjin nr. 10 448, datë 14.7.2011, “Për lejet e mjedisit”, të ndryshuar.
- 4.26** Koordinatat e pikave 3 dhe 4 të lejes minerale ndodhen në kufi me MN “Gryka e Murdharit”, ndaj subjekti për zhvillimin e aktivitetit në këtë zonë, duhet të spostojë minimalisht pikat 3 dhe 4 në koordinatat (KRGJSH) duhet të reflektohet dhe me ndryshimin e koordinatave të Lejes Minerare, i cili duhet të kryhet përpara aplikimit për procedurën e Lejes Mjedisore, për pikat më poshtë:

Pika	X	Y
1	498554,4	4566760,8
2	498299,5	4566751,2

4.27 Në bazë të Ligjit Nr. 81/2017, “Për Zonat e Mbrojtura”, Neni 17 Monument natyror (Kategoria III), nga zbatuesit e projektit të merren masa që mos të dëmtohen formacioni i veçantë gjeologjik dhe gjeomorfologjik i zones.

5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

- Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi:

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona ne hyrje te kantierit	55	45	09.01.2022	Çdo 6 muaj
Kantier ndertimi	55	45	09.01.2022	Çdo 6 muaj
Mjedisi urban me i afert me kantierin	55	45	09.01.2022	Çdo 6 muaj

- Shkarkimet në Ajër

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afërt me kantierin çdo 6 muaj.

Tabela e niveleve kufi

Ndotësi	Përqëndrimi	Raportimi në AKM	Periodiciteti
Lënda grimcore (PM _{2.5})	20-25 µg/m ³	09.01.2022	Çdo 6 muaj
PM ₁₀	50 µg/m ³ , 40 µg/m ³	09.01.2022	Çdo 6 muaj

- Cilësia e ujrave

Parametrat që duhet të monitorohen

Ndotësi	Përqëndrimi	Raportimi në AKM	Periodicite ti
Lëndët në pezulli	50 mg/l	09.01.2022	Çdo 6 muaj

- Subjekti duhet të sjellë pranë AKM-së si më poshtë:

- Informacion në momentin e fillimit të punimeve
- Raportimin periodik për parametrat që do të monitorohen sipas datës së raportimit/ çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.

- Afati i Vlefshmërisë

- Vendimi për VNM-në paraprake për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.

- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprahe, atëherë këto dokumente konsiderohen të pavlefshme dhe procesi i VNM-së fillon nga e para.

Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.

DREJTORI I PËRGJITHSHËM I AKM

EDISON KONOMI

MINISTRI

BLENDI KLOSI

Konceptoi:

Miratoi:

Aneksi 1. Harta Topografike me koordinatat

(Shenim. Harta është vënë si referencë e zonës minerare, e miratuar nga MIE në shkresën “Njoftim Fituesi Nr.4791/2 prot, datë 10.08.2020, Zona Minerare Nr.122/9, për objektin Mali i Pashkasheshit, Qarku Tiranë, lloji i mineralit gur gëlqeror veprimtaria shfrytëzim, Ish Leja Minerare nr.1184”. Subjekti duhet të zbatojë kushtin 4.26 të kësaj Deklarate, lidhur me spostimin e koordinatave dhe pasqyrimin të tyre në hartë.)

Harta topografike në shkallë 1:25000 e zonës minerare Nr. 122/9

